



**REPUBLIKA E KOSOVËS**  
REPUBLIKA KOSOVA – REPUBLIC OF KOSOVO  
GJYKATA THEMELORE GJAKOVË

---

Numri i lëndës: 2018:014270

Datë: 05.12.2018

Numri i dokumentit: 00183300

**P. nr.327/18**

**NË EMËR TË POPULLIT**

**GJYKATA THEMELORE NË GJAKOVË-Departamenti i Përgjithshëm**, Gjyqtarja **Ilirjana Hoti**, me sekretaren juridike Flutur Nagavci, në çështjen penale kundër të akuzuarit B. K. nga fshati R., Komuna e Gjakovës, për shkak të veprës penale të vjedhjes së shërbimeve komunale nga neni 320 të KPRK-së, sipas Aktakuzës të Prokurorisë Themelore -DP në Gjakovë, PP/II.530/2018 të dt.24.04.2018, në shqyrtimin fillestar të mbajtur më datë **29.11.2018**, në prani të Prokurorit së shtetit Enis Gashi dhe të akuzuarit, të njëjtën ditë mori dhe publikisht shpalli këtë:

**A K T G J Y K I M**

I akuzuari **B. K.** nga fshati R., Komuna e Gjakovës, i biri i R. dhe i nënës Z., e gjinisë H., data e lindjes..., ka të kryer shkollën e mesme, i papunë, i gjendjes së dobët ekonomike, i martuar, atë i 3 fëmijëve, shqiptar, shtetas i Republikës së Kosovës, me nr. personal ....

**Ë s h t ë f a j t o r**

**Sepse :**

- **me datë të pavërtetuar e deri me datë 13.10.2018**, në shtëpinë e tij në fshatin R., Komuna e Gjakovës, me qëllim të përfitimit pasuror në mënyrë të kundërligjshme, ka shfrytëzuar energjinë elektrike në kundërshtim me nenin 61 par. 1 të Ligjit për energjinë elektrike të Kosovës, në atë mënyrë që jashtë njehsorit elektrik me nr. ..., përmes kabllos 3x2.5 mm, është lidhur direkt në rrjetin elektrik, kështu ka penguar regjistrimin e energjisë elektrike të shpenzuar, me ç ‘rast të dëmtuarës K. – dsitrikti në Gjakovë, i ka shkaktuar dëm në shumën e përgjithshme prej 136.66 €.

**-me çka ka kryer veprën penale të vjedhjes së shërbimeve komunale nga neni 320 të KPRK-së**

Andaj Gjykata në bazë te nenit 4,17,41,46,49,50,51,52 par 5 ,73 ,neni 320 të KPRK-së dhe nenit 365 të KPP, të akuzuarit i shqipton :

**DËNIM ME KUSHT**

Dënim me burgim në kohëzgjatje **prej 2(dy) muajve** dhe dënim me gjobë ne shumë **prej 100.00 €(njëqind euro)**, të cilat dënime nuk do të ekzekutohet nëse i akuzuari brenda kohës se verifikimit ne afatin prej 1 (një) viti, nuk kryen ndonjë vepër tjetër penale.

Detyrohet i akuzuari që ti paguaj shpenzimet procedurale te përcaktuara nga ana e gjykatës dhe në emër të paushallit gjyqësor shumë prej nga **20,00-€**, në afat prej **15** ditësh, e krejt këtë pas plotfuqishmërisë së këtij Aktgjykimi.

### **A r s y e t i m**

Prokuroria Themelore në Gjakovë, me aktakuzën PP/II.nr.530/18, të dt.24.04.2018, ka akuzuar të pandehurin B. K. për veprën penale vjedhje e shërbimeve komunale nga neni 320 të KPRK-së.

Prokurori i shtetit Enis Gashi në shqyrtimin fillestar me dt.29.11.2018, lexoi aktakuzën PP/II.nr.530/18, të dt.24.04.2018, me ç' rast prokurori deklaroi se mbetet në tërësi pranë aktakuzës.

I akuzuari B. K., gjatë shqyrtimin fillestar duke u deklaruar lidhur me fajësinë thekson se e pranon në tërësi fajësinë sipas aktakuzës me te cilën pandehet duke i ditur edhe më parë pasojat e pranimi të fajësisë dhe atë në mënyrë vullnetare dhe pa presion, me qene se një gjendje e tillë është konstatuar nga K.-i, shtojë se me pranimin e fajësisë jam penduar për veprën e kryer për shkak të gjendjes së dobët ekonomike, premti se një veprim i tillë nuk do të përsëritet dhe do të jem më i kujdesshëm, dëmin e shkaktuar të dëmtuarës e kam paguar në tërësi çka vërtetohet nga pagesa e rikthimit të humbjeve dhe atë me datë 23.10.2017, 30.11.2017 dhe 22.10.2018 ,ku rezulton shuma e përgjithshme prej 136.66 €, andaj i propozoi gjykatës që duke marrë parasysh rrethanat lehtësuese si pranimi i fajësisë, premtimi se në të ardhmen do të jem më i kujdesshëm dhe nuk do të përsërisë një veprim të tillë, gjendjen e dobët ekonomike si dhe faktin se është hera e parë që bie ndesh me ligjin, të më shqiptojë dënim më të butë.

Duke u deklaruar lidhur me pranimin e fajësisë nga ana e të akuzuarit Prokurori i shtetit Enis Gashi, deklaroi se nuk e kundërshton pranimin e fajësisë pasi që i njëjti është i vetëdijshëm për pasojat dhe favoret juridike të pranimi të fajësisë, nga vet pranimi i fajësisë është vërtetuar në tërësi gjendja e plotë dhe e drejtë faktike si në dispozitivin e aktakuzës me nr. PP/II.nr. 530/18 me dt. 24.04.2018, andaj nga gjykata kërkoi që të njëjtin ta shpallë fajtor dhe ta dënojë në bazë të ligjit, gjatë matjes së dënimit si rrethanë lehtësuese të merr parasysh pranimin e fajësisë, pagesën e dëmit në tërësi si dhe është hera e parë që i njëjti bie ndesh me ligjin.

Ne shqyrtimin fillestar gjykata ka vërtetuar këtë gjendje faktike:

Në tërësi u vërtetua se i akuzuari B. K. : **me datë të pavërtetuar e deri me datë 13.10.2018**, në shtëpinë e tij në fshatin R. Komuna e Gjakovës, me qëllim të përfitimit pasuror në mënyrë të kundërligjshme, ka shfrytëzuar energjinë elektrike në kundërshtim me nenin 61 par. 1 të Ligjit për energjinë elektrike të Kosovës, në atë mënyrë që jashtë njehsorit elektrik me nr. ..., përmes kabllor 3x2.5 mm, është lidhur direkt në rrjetin elektrik, kështu ka penguar regjistrimin e energjisë elektrike të shpenzuar, me ç' rast të dëmtuarës K. – distrikti në Gjakovë, i ka shkaktuar dëm në shumë e përgjithshme prej 136.66 €.

Gjykata gjendjen e këtillë faktike e ka vërtetuar nga vet pranimi i fajësisë nga i akuzuari i cili ne shqyrtimin fillestar vullnetarisht ka pranuar fajësinë, për shkak të së cilës gjykata nuk ka administruar provat. Gjykata ka ardhur në përfundim se pranimi i fajësisë nga i akuzuari është bërë në pajtim me nenin 248 te KPPK-së. Gjatë pranimi të fajësisë gjyqtari i vetëm gjykues konstatojë se i akuzuari ka kuptuar natyrën dhe pasojat e pranimi të fajësisë, pranimi është bërë vullnetarisht

nga i akuzuari, pranimi i fajësisë mbështetet në faktet dhe provat që i përmban aktakuza, në materialet e prezantuara nga prokurori i shtetit dhe çdo provë tjetër dhe se aktakuza nuk përmban asnjë shkelje të qartë ligjore ose gabime faktike.

Gjykata nga të cekurat më lartë ka ardhur në përfundim se në veprimet e të akuzuarit formohen të gjitha elementet e veprës penale të përshkruara si në dispozitiv të këtij aktgjykimi dhe për këtë ka vendosur që të akuzuarin ta shpallë fajtor dhe ta gjykojë në bazë të ligjit, më parë duke vërtetuar përgjegjësisë penale juridike të tij.

Me rastin e matjes së dënimit, gjykata ka pasur parasysh të gjitha rrethanat nga neni 73 të KPRK-së, të cilat ndikojnë në zbutjen apo ashpërsimin e dënimit. Rrethana rënduese nuk gjeti ndërsa si rrethana lehtësuese gjykata ka vlerësuar personalitetin e të akuzuarit se është baba i 3 fëmijëve, pranimin e vullnetshëm të fajësisë nga i akuzuari, sjelljen korrekte të akuzuarit në gjykim, premtimin se në të ardhmen nuk do të kryej veprat e tilla, gjendjen e dobët ekonomike, pagesa e dëmit në tërësi të dëmtuarës si dhe faktin se më parë nuk ka ra ndesh me ligjin, të cilat rrethana ndikuan që Gjykata ti zbatoi dispozitat e zbutjes së dënimit të parapara me nenin 75 të KPRK-së. Gjykata të akuzuarit i shqiptoi dënim me burg në kohëzgjatje prej 2(dy) muajve dhe dënim me gjobë në shumë prej 100.00€ (njëqind euro), të i cilat dënime nuk do të ekzekutohen nëse i akuzuari brenda kohës së verifikimit në afatin prej 1(një) viti nuk kryen ndonjë vepër tjetër penale me bindje se edhe me këtë dënim do të arrihet qëllimi i dënimit i paraparë nga neni 41 dhe 50 të KPRK-së dhe ky dënim i tillë i shqiptuar sipas bindjes së gjykatës është në proporcion me veprën penale të kryer dhe me rrethanat personale të cilat i posedon i akuzuari.

Vendimi mbi shpenzimet procedurale, është bazuar në dispozitat e nenit 450 par.1 dhe 2 nën paragrafi 2.6 të KPPK-së.

Nga sa u tha më lartë u vendos si në dispozitiv të këtij Aktgjykimi .

**GJYKATA THEMELORE NË GJAKOVË,  
P. nr.327/18 më datë 29.11.2018.**

**Sekretarja juridike,  
Flutur Nagavci**

**Gj y q t a r j a,  
Ilirjana Hoti**

**KËSHILLA JURIDIKE:** Kundër këtij Aktgjykimi mund të paraqitet ankesë, në afatin prej **15 ditësh**, nga dita e marrjes së tij në dorëzim, Gjykatës së Apelit në Prishtinë. Ankesa në kopje të mjaftueshme i dorëzohet kësaj Gjykate.